

Tarikh Dibaca: 14 Julai 2017M | 20 Syawal 1438H

KHUTBAH JUMAAT

Tajuk:

“BULI PERBUATAN ZALIM”

Terbitan:

Unit Khutbah

Bahagian Pengurusan Masjid

JABATAN AGAMA ISLAM SELANGOR



SENARAI AHLI JAWATANKUASA KHUTBAH NEGERI SELANGOR 2017

- 1. SS. Dato' Haji Haris Bin Kasim (Pengerusi)**
Pengarah Jabatan Agama Islam Selangor
- 2. SS. Dr. Haji Anhar Bin Haji Opir (Ahli)**
Timbalan Mufti, Jabatan Mufti Negeri Selangor
- 3. Tuan Haji Idris Bin Ramli (Setiausaha)**
Ketua Penolong Pengarah, Bahagian Pengurusan Masjid, JAIS
- 4. Yg. Berbahagia Dr. Haji Osman Bin Haji Sabran (Ahli)**
Pensyarah, Universiti Selangor
- 5. Dato' Haji Abdul Majid Bin Omar (Ahli)**
Ahli Jawatankuasa Fatwa Negeri Selangor
- 6. Tuan Haji Hamid Bin Md Isa (Ahli)**
Pensyarah, Kolej Universiti Islam Selangor
- 7. Tuan Haji Md. Sahari Bin Abdullah (Ahli)**
Ahli Jawatankuasa Fatwa Negeri Selangor
- 8. Tuan Haji Abdul Halem Hapiz Bin Salihin (Ahli)**
Ketua Penolong Mufti (Fatwa), Jabatan Mufti Negeri Selangor
- 9. Ustaz Muhammad Farhan Bin Wijaya (Ahli)**
Imam Besar Masjid Sultan Salahuddin Abdul Aziz Shah
- 10. Ustaz Indera Shahril Bin Mohd Shahid (Ahli)**
Pegawai Majlis Agama Islam Selangor
- 11. Ustaz Hairol Azmi Bin Khairudin (Urusetia)**
Penolong Pengarah Unit Khutbah, BPM, JAIS



“BULI PERBUATAN ZALIM”

صَلِّ
الْحَمْدُ لِلَّهِ الْقَائِلِ: يَوْمَ لَا يَنْفَعُ الظَّالِمِينَ مَعَذِرَتُهُمْ
وَلَهُمُ اللَّعْنَةُ وَلَهُمْ سُوءُ الدَّارِ ۝¹
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ
أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ عَلَى
سَيِّدِنَا مُحَمَّدٍ وَعَلَىٰ آلِهِ ۖ وَأَصْحَابِهِ ۖ أَجْمَعِينَ.
أَمَّا بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ، أُوصِيكُمْ
وَأَيَّايَ بِتَقْوَى اللَّهِ فَقَدْ فَازَ الْمُتَّقُونَ. قَالَ اللَّهُ تَعَالَى:
يَا أَيُّهَا الَّذِينَ آمَنُوا اتَّقُوا اللَّهَ حَقَّ تُقَاتِهِ وَلَا تَمُوتُنَّ
إِلَّا وَأَنْتُمْ مُسْلِمُونَ.

Muslimin yang dirahmati Allah sekalian,

Marilah kita bersama-sama meningkatkan ketaqwaan kepada Allah SWT dengan melaksanakan segala perintahnya dan meniggalkan larangan-Nya semoga kehidupan kita di dunia dan di akhirat sentiasa diredhai Allah SWT.

Marilah kita sama-sama menghayati khutbah yang bertajuk “**BULI PERBUATAN ZALIM**”.

Hadirin Jumaat yang dimuliakan Allah,

¹ Ghafir : 52



Sebagai agama yang sempurna, Islam mengajak kita berbicara tentang akal, hati, perasaan, akhlak dan pendidikan. Agama Islam telah menetapkan peraturan tertentu agar seorang muslim dapat memiliki hati yang baik, perasaan yang bersih, tidak mudah berburuk sangka, memelihara lidah serta sentiasa menjaga maruah dirinya dan orang lain. Malangnya akhir-akhir ini kita dikejutkan dengan gejala buli yang berlaku di sekolah-sekolah termasuk di pusat-pusat pengajian tinggi. Ia bukan sahaja mencederakan malah menjadi kes pembunuhan.

Para tetamu yang dirahmati Allah,

Sesungguhnya Islam melarang sebarang bentuk buli kerana mendatangkan kezaliman dan penindasan. Islam bererti sejahtera dan salah satu sifat orang Islam ialah dia tidak memberi masalah kepada saudara Islamnya yang lain.

Hadis daripada Abu Hurairah R.Anhu bahawa Rasulullah SAW bersabda:

المُسْلِمُ مَنْ سَلِمَ الْمُسْلِمُونَ مِنْ لِسَانِهِ وَيَدِهِ.

"Orang Islam ialah orang yang saudara Islamnya terselamat daripada kejahatan lidah dan tangannya".

(Riwayat al-Tirmidzi).

Sesungguhnya seseorang muslim yang sejati itu bukanlah seorang pencaci, pencela, pengejek, pencemuh dan sebagainya. Ini dinyatakan oleh Baginda Rasulullah SAW dalam satu hadis daripada Abdullah Bin Mas'ud R.Anhu bahawa Nabi SAW bersabda:



لَيْسَ الْمُؤْمِنُ بِالطَّعَّانِ وَلَا اللَّعَّانِ وَلَا الْفَاحِشِ وَلَا الْبَذِيءِ

"Bukanlah seorang mukmin itu orang yang suka mencaci, orang yang gemar melaknat, orang yang suka berkata-kata lucah dan orang yang berkata-kata kotor".

(Riwayat al-Tirmidzi).

Allah SWT juga telah mengharamkan manusia daripada melakukan kezaliman sepertimana Allah turut mengharamkan diri-Nya daripada sifat zalim. Diriwayatkan daripada Abu Dzar Al-Ghiffari R.Anhu bahawa Nabi SAW bersabda melalui firman Allah SWT:

يَا عِبَادِي إِنِّي حَرَّمْتُ الظُّلْمَ عَلَى نَفْسِي وَجَعَلْتُهُ بَيْنَكُمْ مُحَرَّمًا فَلَا تَظَالَمُوا

"Wahai hamba-hamba-Ku, sesungguhnya Aku telah mengharamkan kezaliman ke atas diri-Ku, dan Aku juga mengharamkannya dalam kalangan kamu, maka janganlah kamu zalim-menzalimi".

(Riwayat Muslim).

Tindakan membuli menyebabkan rosaknya maruah diri seseorang, merosakkan hubungan silaturrahim dan kedamaian sesebuah masyarakat. Perbuatan membuli merupakan salah satu dosa kerana ia mencerooboh kehormatan diri orang lain bahkan ia boleh mencederakan anggota seseorang.

Hadirin yang dirahmati Allah sekalian,



Gejala buli boleh berlaku dimana-mana sahaja samada di institusi pendidikan, tempat kerja atau di jalan raya. Antara faktor utama berlakunya gejala buli ialah:

Pertama: Kurang penghayatan dan kesedaran agama.

Pembelajaran Pendidikan Islam dan Moral di sekolah masih tidak mencukupi dari segi penghayatannya jika tidak dipraktikkan apabila berada diluar bilik darjah. Apabila kurangnya penghayatan agama, pelajar akan merasa lebih bebas membuli dan melakukan perbuatan yang negatif. Ia juga menyebabkan kurangnya penghayatan terhadap konsep dosa dan pahala dalam setiap tindakan.

Kedua: Pengaruh sosial.

Gejala buli juga lahir daripada pengaruh media massa, filem-filem dan rakan sebaya. Kebanyakan rancangan di Televisyen kini sering memaparkan aksi ganas seperti bergaduh, mencuri, ponteng sekolah dan berlagak samseng yang menjadi ikutan kepada generasi masa kini. kesannya, aksi-aksi ini akan dicontohi oleh mereka yang menontonnya terutama para pelajar yang gemar meniru perbuatan orang lain.

Untuk mengatasi gejala buli yang penuh kezaliman ini, maka Islam menggariskan beberapa cara penyelesaian. Antaranya adalah:

Pertama: Menyuburkan Kasih Sayang.

Sepatutnya setiap orang saling menyayangi dan hormat menghormati antara satu sama lain seperti ia mengasihi dirinya sendiri. Mengasihi orang lain menjadi tanda kesempurnaan iman seseorang Muslim.

Hadis daripada Anas Bin Malik R.Anhu bahawa Rasulullah SAW bersabda:



لَا يُؤْمِنُ أَحَدُكُمْ، حَتَّى يُحِبَّ لِأَخِيهِ مَا يُحِبُّ
لِنَفْسِهِ

"Tidak beriman seseorang di antara kamu sehinggalah ia mencintai saudaranya (sesama muslim) seperti ia mencintai miliknya sendiri".

(Riwayat al-Bukhari dan Muslim).

Kedua: Penghayatan Agama.

Ibu bapa hendaklah memastikan penghayatan agama anak-anak supaya menjaga amal ibadah dan memantau aktiviti-aktiviti hiburan lebih-lebih lagi hiburan yang melalaikan dan melampau. Didiklah anak-anak supaya menghayati agama khususnya anak remaja mengikut zamannya agar tidak terikut budaya yang tidak elok dan bercanggah dengan agama Islam.

Muslimin sidang Jumaat yang dikasihi Allah sekalian,

Sebagai kesimpulan dari khutbah hari ini, khatib ingin menyeru hadirin sekalian supaya dapat mengambil tindakan dari tausiah berikut:

1. Umat Islam hendaklah berpegang teguh kepada agama dan saling hormat menghormati serta berkasih sayang antara satu sama lain.
2. Umat Islam hendaklah yakin bahawa semua perbuatan sama ada baik ataupun buruk pasti akan dibalas oleh Allah SWT.
3. Umat Islam hendaklah menjauhkan perbuatan zalim terhadap manusia.



4. Umat Islam hendaklah mengambil tindakan bersama-sama membanteras semua perbuatan zalim termasuklah buli.

أَعُوذُ بِاللَّهِ مِنَ الشَّيْطَانِ الرَّجِيمِ
الْيَوْمَ تُجْزَى كُلُّ نَفْسٍ بِمَا كَسَبَتْ لَا ظُلْمَ الْيَوْمَ
إِنَّ اللَّهَ سَرِيعُ الْحِسَابِ ﴿١٧﴾

"Pada hari ini, tiap-tiap diri dibalas dengan apa yang telah diusahakannya; tidak ada hukuman yang tidak adil pada hari ini. Sesungguhnya Allah amat cepat hitungan hisab-Nya".

(Ghafir: 17).

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ،
وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ
الْحَكِيمِ وَتَقَبَّلَ مِنِّي وَمِنْكُمْ تِلَاوَتَهُ، إِنَّهُ هُوَ
السَّمِيعُ الْعَلِيمُ.
أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ
وَلِسَائِرِ الْمُسْلِمِينَ وَالْمُسْلِمَاتِ، فَاسْتَغْفِرُوهُ إِنَّهُ
هُوَ الْغَفُورُ الرَّحِيمُ.

Shupian/Nurul
06.07.2017



KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ
الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا
شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ.
اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى
آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ
الدِّينِ. أَمَّا بَعْدُ، فَيَا عِبَادَ اللَّهِ، اتَّقُوا اللَّهَ،
أَوْصِيَكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ.

Sidang Jumaat yang dirahmati Allah SWT,

Mimbar Jumaat sekali lagi berpesan supaya kita sentiasa bertakwa kepada Allah SWT dan menyedari bahawa Islam mengajar kita supaya bersikap sederhana dalam segala amalan. Kita amatlah dituntut agar menampilkan kemuliaan akhlak, sikap dan keperibadian tinggi kerana Rasulullah SAW diutus untuk menyempurnakan akhlak dan sebagai rahmat bagi seluruh umat dan sekalian alam. Oleh itu marilah kita sentiasa memperbanyakkan solawat dan salam ke atas Nabi kita Muhammad SAW. Firman Allah SWT:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا
صَلُّوا عَلَيْهِ وَسَلِّمُوا تَسْلِيمًا.



اَللّٰهُمَّ صَلِّ وَسَلِّمْ عَلٰى سَيِّدِنَا وَمَوْلَانَا مُحَمَّدٍ سَيِّدِ
الرُّسُلَيْنِ وَارْضَ اللّٰهُمَّ عَنْ اَصْحَابِهِ وَقَرَابَتِهِ
وَاَزْوَاجِهِ وَذُرِّيَّاتِهِ اَجْمَعِينَ.

اَللّٰهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ
وَالْمُؤْمِنَاتِ الْاَحْيَاءِ مِنْهُمْ وَالْاَمْوَاتِ، اِنَّكَ سَمِيعٌ
قَرِيبٌ مُّجِيبُ الدَّعَوَاتِ يَا قَاضِيَ الْحَاجَاتِ. اَللّٰهُمَّ
اِنَّا نَسْأَلُكَ وَنَتَوَسَّلُ اِلَيْكَ بِنَبِيِّكَ الْاَمِينِ، وَنَسْأَلُكَ
بِاسْمَائِكَ الْحُسْنٰى وَصِفَاتِكَ الْعُظْمٰى اَنْ تَحْفَظَ
بِعَيْنِ عِنَايَتِكَ الرَّبَّانِيَّةِ وَبِحِفْظِ وَقَايَتِكَ
الصِّمْدَانِيَّةِ، جَلَالَةَ مَلِكِنَا الْمُعْظَمِ سُلْطَانَ
سَلَاطُور، سُلْطَانَ شَرَفُ الدِّينِ ادریس شاه الحاج
ابن المرحوم سُلْطَانَ صَلَاحُ الدِّينِ عبد العزيز
شاه الحاج. اَللّٰهُمَّ اَدِمِ الْعَوْنَ وَالْهِدَايَةَ وَالتَّوْفِيقَ،
وَالصِّحَّةَ وَالسَّلَامَةَ مِنْكَ، لَوْلِيَّ عَهْدِ سَلَاطُور،
تَغْكُو اَمِير شَاهِ ابْنِ السُّلْطَانَ شَرَفُ الدِّينِ ادریس
شاه الحاج فِي اَمْنٍ وَصَلَاحٍ وَعَافِيَةٍ بِمَنِّكَ وَكَرَمِكَ



يَا ذَا الْجَلَالِ وَالْإِكْرَامِ. اَللّٰهُمَّ اَطْلُ عُمْرَهُمَا
مُصْلِحَيْنِ لِلْمُوظَّفَيْنِ وَالرَّعِيَّةِ وَالْبِلَادِ، وَبَلِّغْ
مَقاصِدَهُمَا لِطَرِيقِ الْهُدَى وَالرَّشَادِ.

Ya Allah, Engkaulah Tuhan yang Maha berkuasa, kami bersyukur kehadiran-Mu yang telah mengurniakan kami rahmat dan nikmat, sehingga kami dapat meneruskan usaha ke arah memperkukuhkan negara umat Islam, sebagai negeri yang maju, sejahtera dan berkebakikan dibawah naungan dan pimpinan raja kami sebagai ketua agama Islam di negeri ini.

Justeru kami pohon kehadiran-Mu ya Allah, tetapkanlah iman dan pegangan kami kepada Ahli Sunnah Wal-Jamaah, terimalah amalan soleh kami, suburkanlah jiwa kami dengan budi pekerti yang mulia, satukanlah hati-hati kami, kurniakanlah kami rezeki yang luas lagi barakah, kayakanlah kami dengan ilmu yang bermanfaat, lindungilah kami daripada bala bencana dan peliharalah kami daripada ajaran sesat seperti Syiah, Qadyani, dan lain-lain ajaran yang difatwakan menyeleweng dari ajaran Islam atau bertentangan dengan pegangan Ahli Sunnah Wal Jamaah. Ya Allah bukannya hati kami untuk mendirikan solat fardhu lima waktu, menunaikan zakat melalui Lembaga Zakat Selangor, mewakaf dan menginfaqkan harta melalui Perbadanan Wakaf Selangor dan Tabung Amanah Pembangunan Islam Selangor.



رَبَّنَا هَبْ لَنَا مِنْ أَزْوَاجِنَا وَذُرِّيَّاتِنَا قُرَّةَ أَعْيُنٍ
وَأَجْعَلْنَا لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا
حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ
ذِي الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ
وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٩٠﴾

فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُوا لَهُ عَلَىٰ
نِعْمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِيكُمْ
وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.
